



UNIVERSITÄTS-
BIBLIOTHEK
PADERBORN

Universitätsbibliothek Paderborn

V. P. Gasparis Družbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Družbicki, Societatis Jesu, In Dominicas Anni Totius
Meditationes

Družbicki, Kaspar

Ingolstadii, 1732

VD18 9006643X

Dominica V. post Pascha

urn:nbn:de:hbz:466:1-45459

no loqui, unde & JESUS in judicio tacebat, nec defendere volebat.

7. *Arguet mundum.*

Dignus mundus qui arguatur; Dignus quoque ille à quo arguatur. Quis enim verax Spiritu Sancto? quis nequior mundo? mendax est mundus, & à quo mendacii convincendus est? nonne & omnis homo mendax? Sanctissime Spiritus, qui solus verax es, veni, & convince mundum mendacii sui, argue eum peccati, quod facit; argue eum justitiæ, quam non facit; argue eum judicii, quod reformidat.

8. *Ille me clarificabit.*

Volo me clarificet os hominum, lingua mendax, lingua adulatoria, ignara quid lateat homine; ille me clarificabit aliquando, qui solus claritatis lucem inaccessibilem inhabitat, in cujus dextera sunt honores. O utinam, homo, solius ejus clarificatione contentus, omnes laudes humanas, omnes reputationes vane despicias! ô utinam quoque in omni opere meo, hoc solum mihi solatium sit; Ille me clarificabit. Valeant censuræ hominum, valeant laudes eorum, Deum specto; Ille me clarificabit.

DOMINICA V.

Post Pascha.

1. *Creditis quia à Deo exivi.* Joan. 16.

Redimus etiam hoc mi JESU, te à Deo exisse; quia Te præsentem in Sanctissimo Sacramento credimus, agnoscimus, & supplices te adoramus, amamus, ac sumimus. Existi nimirum à Deo, ut nos duceres ad Deum: Existi à

V. P. Druz. Op. X.

L

Deo,

Deo, ut nos donis ditares Dei: Existi quidem olim ab æterno à Deo per generationem æternam, existi in tempore per Incarnationem, at nunc existi per Sacramentalem panis in Tuum verum corpus transubstantiationem. Credimus hoc totum mi JESU, quia nemo potest hæc signa facere, quæ tu facis, nisi à Deo sit egressio ejus. Præsta itaque dulcissime JESU, ut Pater tuus amet nos, quia tu dixisti Apostolis tuis; Ipse Pater amat vos, eò quod me amastis, & credidistis quia à Deo exivi. Credimus & nos, & amamus te, & desideramus te suscipere in Sanctissimo Sacramento. Amet nos Pater tuus, & sufficit nobis.

2. *A Deo exivi.*

Est quod miremur, quod amemus, & quod gratias agamus. Exivit Verbum æternum à Patre secundum Personam Divinam, egressio admirabilis: Exivit à Deo ad naturam humanam in Incarnatione, egressio amabilis; & omnibus hominibus utilis; Exivit & sub specie Panis; ad quem? ad te ô homo! unde? de cælo interram. Ad quem? ad hominem peccatorem, ut cibus tuus fieret, ut in te maneret. Quid ages ô homo? mirare, ama & gratias age.

3. *Amen, amen dico vobis.*

Asseverationem tam gravem considera. Sine dubio enim Christi sermo verus esse debet, & res quæ promittitur magni momenti. Si quid, inquit, petieritis Patrem dabit. Nihil hæc de unitione majus, nihil utilius, nihil liberalius; nihil ô homo excipitur; Pete cælum; pete gratiam, pete gloriam, pete quodvis donum, pete ipsum Deum, omnia hic promissa sunt. Si quid petieritis:

G. DRILLZ =
Bicki
Operi ascet
Tomus III
N: V
58

petieritis: Ab omni dubitatione hæc promissio
 bona est: dicitur enim Amen Amen; & ab eo
 mentiri non potest Deo. Sume ergo ani-
 mam, ô homo, & pete, quia parva sunt quæ pe-
 tis, & minora promissis: Fons manat, quin bi-
 nis; thesaurus patet, quin ditescis.

4. *Si quid petieritis.*

Propterea nihil impetras, quia nihil petis; pete
 aliquid & obtinebis. Dicitur enim; si quid
 petieritis. Nihil verò petis, quando ad oratio-
 nem imparatus venis; nihil petis, quando ad
 mentem voluntatemque Dei non petis; sed mo-
 do amorem & gratiam hominum, modò lau-
 dem, aliaque his pejora petis & vaniora; O uti-
 tam apprehendamus, à Deo, esse Quid peten-
 dum, non Nihil. Ipse enim, Nihil nobis dare,
 non potest: cum Nihil, non factum sit ab illo,
 sine ipso sit.

5. *In nomine meo.*

In commemoratione videlicet nominis mei,
 in vi sanguinis mei, in meritis, in humilitate,
 & virtute obedientiæ meæ, quâ obedivi Patri
 meo usque ad mortem. In nomine meo, &
 quasi mihi non vobis petite; facilius enim Filio
 indulgebit Pater. Aliqui in nomine suo petunt;
 in nomine scilicet propriæ voluntatis; qui ea
 quæ petunt, sic & non aliter, hoc & non alio tem-
 pore fieri volunt, præscribentes legem Deo.
 Quia, licet non sint aliqui ita expressè animati
 & dispositi, tamen resignati & indifferentes non
 sunt in manus Providentiæ Divinæ. Petendum
 in nomine Jesu, quia hoc nomen super omne
 nomen est, in quo nos omnes salvos fieri oportet.
 Hoc nomen Christo dedit Pater, ut in illo

omne genu flectatur: non ergo levè ducas, in hoc nomine JESU petere. Certè in re magna petitur, quia in præmio Christo à Patre dato petitur. Homines, magnorum laborum præmia servant, ea sola de causa, quod magno sint labore parta & maximè si à Rege sint collata: Quantum autem Christus laboravit? & pro his laboribus cunctis, præmium à Patre caelesti accepit Nomen suum: Hoc præmium contulit nobis Christus, & dedit tanquam in usuram, ut cum eo accedentes ad Patrem, oppignoremus ei cum opus est: eâ tamen lege, non ut nos illi, sed ut ille nobis usuram solvat. Gratias tibi, mi JESU, pro hoc liberali dono Nominis tui, volo frequenter confænerari. Est enim hoc donum. Da mihi, dulcis JESU, hoc gloriosum donum, nomen tuum JESU, dignè venerari, devotè colere, ardentè amare. Homines communiter omnia nomine alicujus faciunt, præfiguntque operibus suis nomina sua, sic artifices, Sculptores, architecti, Principes, rebus à se erectis, nominis sui auctoritate excusis, scriptores frontibus librorum sua apponunt nomina; quibus significare videntur, quod ea omnia in suo faciunt nomine. JESUS verò omnibus suum vult præfigi nomen, omnia vult suo nomine fieri, omnia propter nomen suum impetrari: vultque nos docere, omnia nonnisi propter se suaque merita nobis dari. Hinc agnosce quanta reverentia & amore nomen JESU sit prosequendum, in quantamque ejus venerationem, apud omnes promovendum: cum in tantum JESUS nomen suum amet, ut nec vitam, nec corpus, nec animam suam, nec vulnera sua, tantum amet. Omnia enim adversa

G. DRILLZ =
 Bicki
 Oper: ascel
 Tomus III
 N: V
 58

adversa in eo nos pati iubet, omnia in eo nobis impetranda promittit, omnia contraria superanda, & dæmonia in eo ejicienda prædicat.

6. *Usque modo non petistis.*

Hoc fortè singulis nobis dictum putemus, qui potius in nostro, quam in JESU nomine, potius in nostris meritis confisi, quam Christo Deum oramus. Erubescamus de hac præsumptione, & Christo ejusque nomini hanc prerogativam tribuamus, omnia in eo à DEO postulantes; maxime conscii, nos nostro nomine frustra omnia petere.

7. *Petite & accipietis, ut gaudium vestrum sit plenum.*

Primus sensus est; si vultis gaudium vestrum esse plenum, petite: 2 Scitote, quid petere debeatis; non aliud quàm hoc, ut gaudium vestrum plenum sit, & gaudium vestrum nemo tollat à vobis. Quod idem cum eo est; Quærite regnum Dei & justitiam ejus. 3. Nihil perfectius, quàm cum petitio nostra intendit Christum: tunc enim verè gaudium nostrum sit plenum, quia petita nostra obtinebimus. Hæc orationis est excellentia, ut qui ei aptissime deditus est, gaudium plenum semper habeat.

8. *Ut gaudium vestrum sit plenum.*

Cogita quid sit gaudium illud plenum. Gaudium, primò est de bono quod est præsens, plenum verè, de bono quod perfectum est, quod plenum bonum est, implens omne desiderium. plenum Bonum, non nisi Deus est, Ergo & plenum gaudium non nisi de Deo est. O Amare, o sibi perire, o ad eum pervenire! o quantum

rum Bonum, quàm plenum Deus est, quid in rationis
 illo non bonum! aut quod bonum est extra regas vim
 illum? O Deus meus & omnia! Nulla alia bona animæ in
 sunt plena, nulla alia cor implent, solus Deus 9
 implet, quia solus Deus plenum Bonum, vocan- A Udi
 tur tamen etiam plenum bonum, opera bona, re,
 perfectè facta, secundum illud: Non invenio is, ecce
 opera tua plena coram Deo. Plena non sunt, verbiis D
 quæ circumstantiâ aliquâ carent; quæ non pro- revelans
 pter solum Deum, aut ut illi placeant, aut quia is Hieru
 ille dignus est, fiunt, & ita qui in uno offendit, te esse;
 fit omnium reus. Sunt equidem & gaudia plena, Diligite i
 sed pauca! quoties gaudium habent mundani, o redder
 sed non plenum, deest aliquid, perpetuum non datus qu
 est, cessat, Quod ergo est plenum? Primum in qui semp
 Deo, & in cælesti Patria, ibi est certa securitas, am non
 secura æternitas, æterna felicitas, felix suavitas, non dice
 Secundum in hoc: Petite & accipietis, hoc est gentur f
 in voluntate ad Dei nutum resignata; In animo, verbum
 qui Divinæ providentiæ bonitatisque tutò fidit, proverb
 & in ea acquiescit; qui securè dicit, Dominus nes Dei p
 regit me & nihil mihi deerit; In eo & gaudium ns à verb
 erit, & gaudia nihil deerit, quia plenum erit. Is ge verò,
 enim verè petit, & petita obtinet, imò is sem- ora, e
 per orat, & petita impetrat, qui in omnem Dei Venit op
 voluntatem paratus stat, cujus pondus, velle di- minister
 vinum est. Pondus meum amor meus est; qui gregentu
 hoc solum amat, quod Deus vult. Talis ergo Christo,
 petit, & semper accipit, semperque gaudium tafacie g
 plenum habet, quia quicquid Deus vult, & ille lum, de
 vult, & sequitur, hocque solum petit, quod O jam tu
 Deus dare decrevit; quod autem decrevit, hoc Mesus ro
 utique dat, ut proinde quodcumque talis petit, amabit
 semper impetret, habetque hunc fructum resig- O quis n
 natio.

G. DRUCE =
 bicki
 operi ascet
 Tomus III
 N: V
 58

tionis suæ, ut omnia impetrèt. Utinam intel-
 ligas vim voluntatis in manus Dei resignatæ &
 animæ indifferentiæ virtute ornata!

9. Venit hora cum jam non in proverbiiis.

Audi & contremisce. Audi quoque & læta-
 re. Contremisce serve nequam & infide-
 as, ecce enim venit hora, cum jam non in pro-
 verbiis Deus loquetur, sed omnia palam dicet,
 revelans abscondita cordium & scrutans in lucer-
 is Hierusalem. Proverbia nunc multis viden-
 tur esse; quæ JESUS dicit: Nolite judicare &c.
 Illigite inimicos vestros; De omni verbo otio-
 reddent homines rationem in judicio: Male-
 dictus qui facit opus Dei fraudulenter; Beatus
 qui semper est pavidus. Sed veniet hora, cum
 jam non videbuntur proverbialia, cum amplius
 non dicent. Nescimus quid loquitur; sed co-
 gentur fateri, Ecce nunc palam loqueris & pro-
 verbum nullum dicis. Sed væ tibi ignorantibus, qui
 proverbialia non intellexeris, væ tibi qui sermo-
 nes Dei proverbialia dixeris; Ubi enim absconde-
 ris à verbo aspero & à vultu majestatis ejus? Eu-
 ge verò, lætare serve bone, ecce enim venit
 hora, ecce appropinquavit regnum cælorum.
 Venit optatus dies, ut ubi Dominus est, illic &
 minister ejus sit, ubi fuerit corpus, ut illuc con-
 gregentur aquilæ, ut rapiamur obviam in aëra
 Christo, ut semper sic cum eo simus, & revela-
 ta facie gloriam Dei contemplemur, & Chri-
 stum, de Patre suo palam annuntiantem nobis.
 O jam tunc cessabunt proverbialia cuncta, nec ipse
 JESUS rogabit Patrem pro nobis, sed ipse Pater
 amabit nos quia nos perfectè JESUM amabimus.
 O quis mihi det ut capiam, quis det ut intelligam,
 quid

quid sit illud, Amare JESUM, quid sit illud, amari à Patre JESU! Da bone JESU ut te nunc amem, quò in æternum Te amare, & à Patre Tuo cælesti, amari merear! Amen.

DOMINICA VI.

Post Pascha.

I. *Cum venerit Paracletus quem ego mittam vobis. Joan. 15.*

Agnosce Christi erga te liberalitatem. Apostolis suis, cum eis promittit Spiritum S. subtrahit suam corporalem præsentiam, tibi verò & Spiritum Sanctum promittit mittendum, & ipse ad te sua præsentia, in Sanctissimo Sacramento venire parat. O! quid facies ita ab eo æstimatus, & Apostolis ipsis quasi prælatus? nonne exultabis? nonne ad thronum tantæ gratiæ Christi properabis, omnemque humilitatem, fervorem, Charitatem, spem, & desiderium, indues, ut dignè corpus Christi sumas, ut dignè arthram pignusque, imò domum palatiumque Spiritus Sancti ab ipso Fabricatore dignum inhabitari, eique excipiendo unicè accommodatum tractes? Provoluere ad Christi pedes, rogans ut ipse ad te venire, inque te manere dignetur, quo sic Spiritus S. ex alto veniens, sibi habitaculum dignum in te reperiat, & libens in te requiescat. Cave ne de te dictum sit: Non noverunt Patrem neque me. Possent enim homines dignè recipere Spiritum S. sed quia Corpus Christi quod illis pæne obtrudit, dignè non tractant, non habent quo Spiritum S. recipiant. Optima itaque præparatio est ad Spiritum S. digna

g. DRILLZ =
bicki
oper: ascel
Tomus III
N: V
58